

## اسم الله الواسع | الجزء الثاني | الحلقة ) 01 ( | #إنه\_الله | د.

### حازم شومان

حازم شومان

انه رب العباد وخير زاد. بسمه الكافي تمسك. انا رأيت انا رحيت الرزق لو تحس بالاختناق كل هم حماتي مات كله محزون كسيير يحمل اما الكبير ليس غير الله يرجى. انه نعم النصر - 00:00:00

السلام عليكم ورحمة الله وبركاته. لا زلنا في اجمل رحلة في الوجود. رحلة الى الله رحلة الى فهم اسم الله التاسع يا جماعة احنا دلوقتي في المرة الثانية من معاني اسم الله الواسع وهنبدأ نتكلم عن المعاني بقى. المرة اللي فاتت كانت مقدمة بس نفرح بجمال - 00:01:00

اسم ومعاوي يعني دلالات هزا الاسم الجميل انما المرة دي هنتكلم عن معاني اسم الله الواسع المعنى الاول لاسم الله الواسع اللي عطاوه يسع احتياجاتك. اللي عنده حل لجميع مشاكل حياتك. لما واحد يقول لك الموضوع ده في وسعي - 00:01:30 يعني في امكانياتي يعني في قدراتي. يعني الموضوع ده في طاقتى ان انا اعمله بكل سهولة. عشان كده الله الواسع. يعني اللي عطاوه يشمل حل جميع مشاكل الحياة لا يوجد مشكلة في الحياة لا يسع الله حلها - 00:01:50

لا يوجد هم من الهموم لا يسع الله ان هو يفرجه. لا يوجد مرض من الامراض لا يسع الله ان هو يشفيه. عشان كده لما الانسان انسان نسي ربنا. ربنا يعني الانسان نسي ان ربنا يقدر يعمل له ايه. وربنا عمل له ايه فعلا؟ التعاشرة والكافية اللي - 00:02:04 كتير جدا يا جماعة عايشين فيها وحياتهم ضيقه. رغم ان ربنا واسع بسبب عدم رؤية نعم الله. عدم رؤية ربنا عمل لك ايه ؟ وربنا يقدر يعمل لنا ايه ؟ يعني الحمد لله لما دخلت مستشفى سبعة وخمسين في آآ يعني في ظروف قبل كده يعني آآ الله يرحم - 00:02:24

جميعاً فوجئت وانا بشوف الاطفال وحالات السرطان عند الاطفال. فوجئت ان البلع البلع يا جماعة طلع معجزة والله. الواحد كان متخيل ان عادي انا بشرب بق مية ده طلعت معجزة كبيرة اوبي. فوجئت ان انا اقدر اخذ نفسي - 00:02:44 ده طلعت معجزة كبيرة جدا. فوجئت ان انسان يقدر يحرك ايده. ده ده طلعت معجزة كبيرة اوبي. الواحد شاف حالات جوة علمته ان آآ احيانا ربنا بيبيتلينا في بعض حاجات اداتها لنا عشان يعرفنا او يفوقنا ان دي كانت معجزات. بس احنا مش واخدin بالنا منها. كل دي طلعت - 00:03:00

فوجئت ان قدرة انسان انه ينطق كلمتين بيكونوا جملة صغيرة دي طلعت معجزة كبيرة اوبي معجزة عظيمة اوبي من ربنا. عشان كده لما بتتوقع ان ربنا يسع بقدرته حل جميع مشاكل حياتك. وتشوف ربنا عمل لك فعلا ايه. وحل لك مشاكل - 00:03:20 في حياتك فعلا قدي ايه الحياة ما بتتقاشر ضيقه. الحياة بتبقى واسعة اوبي ما الدليل اهو اللي وسعها عليك في كل ده ما يوسعش عليك بعد كده ليه اللي خلق السما الواسعة دي ما يقدرش يوسعها عليك. اللي وسع لك حياتك انا حياتي واسعة ده انا حياتي ضيقه متهيأ لك - 00:03:40

بيتهيأ لك والله العزيم انت نسأل الله العفو والعافية انت لو جربت ان ايد تقف هتتعرف يعني ايه الحياة ضيقه. انت لو جربت ان ما فيش سمع او ما فيش بصر هتتعرف يعني ايه الحياة ضيقه - 00:03:57 الله يعافي مرضى المسلمين اجمعين. انت لو امكانية واحدة من امكانيات جسمك اللي ربنا خلى حركتك فيها واسعة. وامكانياتك في

الحياة واسعة. امكانية واحدة راحت انت حضرتك ممكن تقف وتنشال الحياة بتبقى واسعة او اي. وصدرك بيبقى واسع قوي في  
الحياة. لما تتصل باسم الله الواسع سبحانه وتعالى. المعنى الثاني - 00:04:07

الاسم الله الواسع. اللي يقدر يوسعها عليك فوق تصورك دنيا وآخرة. وده المعنى اللي احنا قضينا اول حلقة في بعض دي ملامح لها يا  
جماعة. لأن القصص اللي ربنا وسعها عليهم بعد ما كانت ضيقة لا تحصى يا اخواننا ده دي قصة الحياة كلها. دي قصة حياة كل واحد -  
00:04:27

مننا اصلا. احنا كنا زمان ايه! احنا كنا زمان امكانياتنا ايه! والوقت اللي احنا فيه ده بقى ازاي! ربنا سبحانه وتعالى اجوزنا وربنا ادانا  
ذرية وربنا ادانا السكن وربنا ادانا العربية اللي نركبها وربنا ربنا يوسع علينا او يبس احنا اللي مش شايفين. شباب كتير او ي حلم  
00:04:47 حياته شقة مية -

خمسين متر عشان ينفع يتتجوز فيها. ونبي ان الله واسع الملك. وان ربنا اللي يملك السماوات والارض دي ويملك المجرات. ربنا واسع  
الملك ليه ما توسعش افقك وتطمع في ربنا ويبقى رجاءك في ربنا اكبر من كده ربنا يقدر يوسعها عليك فوق ما تتصور. لو اتقفل باب -  
00:05:07

اووع تحبط لأن ربنا عنده الف باب ومليون باب تاني للفرج يقدر يفتحهم عليك. عشان كده اسم الله الواسع اسم يخليلك من غالء  
الاسعار. لأن كلما ضاقت الدنيا اتسع عطاء الله سبحانه وتعالى. انا عايز اقف هنا وقفه يا جماعة ان - 00:05:27  
ربنا سبحانه وتعالى الانسان يا اخواننا لما بيتولد آآ ربنا يقول اعلموا انما الحياة الدنيا لعب ولهم وزينة وتفاخر بينكم وتكثر في الاموال  
والاولاد. يعني الانسان آآ في الاول خمس سنين في حياته بيبقى ايه يعني عايز يلعب بعد - 00:05:47  
كده بيببدأ بقى لأننا عايز بلايستيشن عايز لهو بقى انا عايز موبائيل ادخل العب جينز بعد كده بيببدأ بقى لأننا عايز اخد باللي من نفسي  
زينة بقى انا عايز البس - 00:06:07

حلوة انا عايز اتشيك. الانسان يا جماعة كل ما بيكبر كل ما احتياجاتاته بتكبر. وكل ما بيكبر كل ما الوسع بيتوسعها عليه اكتر يعني  
احتياجاتك لما بتزيد الدنيا ما بتقلش. يعني انا لو انا لابس نفس الهدوم اللي انا لبستها يوم ما اتولدت. انا كل ما جسمي هيكبر كل ما  
00:06:17 الهدوم هتقطع

وهو تضيق على مش هينفع. فتخيل انت مش بس جسمك بيكبر. انت احتياجاتك بتكبر. وعطاء ربنا الواسع لك. بايكتر. فعطاء ربنا  
واسع فرجه كلما ضاقت الزروف آآ الله بيتوسع من عنده سبحانه وتعالى. لما واحد يقول لك انا ساكن في شقة واسعة. يعني ايه -  
00:06:37

يعني بنتحرك فيها من غير اي ضيق. يعني مهما زاد عدد الضيوف اللي بيجهوا لنا ومهما زاد عدد الاسرة. الشقة واسعة احنا مرتاحين  
جدا بيبقى الله الواسع اللي يقدر يخليلك تعيش حياة بلا ضيق. يعني الاسم ده بيتكلم عن قدرة الله على التوسيعة - 00:06:57  
ان ربنا قادر يوسعها عليك عشان تتجوز. قادر يوسعها عليك عشان تسد احتياجات المعيشة. ما هو انت احتياجاتك وانت متتجوز غير  
وانت عندك عيلين ومراتك في بطئها عيل تالت غير وانت عيالك في التعليم والجامعة الاحتياجات بتزيد والواسع بيزود من عنده  
00:07:16 السعة. كنت قاعد -

آآ مع واحد من اصحابي واحبابي آآ صاحب شركة كبيرة فكنا بنتكلم مع بعض آآ بيكول لي انا في فترة من الفترات والله يا جماعة ده  
دي قريب جدا يعني. يعني كنت في عمرة وانا قاعد معه في - 00:07:36

الشركة بتاعته فبيقول لي انا من فترة من الفترات كنت فقير جدا. انا بدأت حياتي مش لاقى اكل اصلا. بيكول لي انا جيت هنا وانا في  
البلد الغربة وما معبيش جنبيه اكل لدرجة ان انا سافرت عشان اشتغل آآ قعدت خمستاشر يوم ما عنديش مأوى خلاص قعدت عند -  
00:07:48

الناس لحد ما اتكلست. فبيقول قعدت في المسجد النبوى قعدت بقى لي خمستاشر يوم. بيقول مرة بعد الفجر كنت آآ جاي انام وانا  
جعان جدا جعان ما فيش فلوس اجيب اي حاجة اكلها. وبقى لي خمستاشر يوم بنام في المسجد. ما فيش شغل. مش عارف اروح

فین! ما ليش مكان. بيقول وانا جاي انام - 00:08:08

بيقول لي كده ما كانش امنيتي في الحياة غير حاجتين. انا يا جماعة وانا جاي اسمع انا متوقع انه هيقول لي مسلا امنيتي في الحياة  
ان ربنا يرضي عنی. فوجنت ان هو خدني في حنة تانية - 00:08:27

خالص. بيقول لي انا ما كانتش امنيتي في الحياة غير حاجتين وانا جاي انام في المسجد النبوی. ان انا لاقی اجیب سندوتش طعمیة  
اکله وان انا الاقی علبة عصیر برتقان اللي هي السن توب. اشربها بيقول ما عییش نمت في مکانی. بيقول صحیت من النوم بعد شویة  
في - 00:08:37

المسجد النبوی لقیت قدامی کیس. محظوظ فيه سندوتش طعمیة وعلبة عصیر برتقان سن توب والله العظیم يا جماعة. بيقول انا  
بیص کده لقیت واحد من بعيد بیشاور قل لي ان دول لك يعني واحد ایه بیتصدق عليه کده. بيقول انا نسیت بقی الموقف خالص  
واستبیشت ان انا يا رب انا ما کلمتش مخلوق يا رب - 00:08:56

رب انا حسیت انها رساله من ربنا. انا ربنا ما انا يا رب انت عالم باللی جوایا! عالم بخواطیری! عالم يا رب انا يا رب ما کلمتش مخلوق  
ان انا عایزاده! ما فیش مخلوق في الدنیا - 00:09:16

ما فیش انس ولا جن یعلم ده. انت جبتها لحد عندي يا رب. کانک بتقول لي انا عالم بكل رغبة جوة نفسيتك. ما فیش حد في  
الدنیا یقدر یعرف اللي جوة نفسيتك. انا اعلم اللي جوة نفسيتك. بيقول لي صاحبی ده من هزا اليوم. ربنا هزا اليوم ربنا فتح علي في  
الرزرق - 00:09:26

لحد ما بقی شریک في شرکة تجارية كبيرة جدا فضل ومنة الله سبحانه وتعالی وربنا وسع عليه في الرزق جدا بفضل ومنة الله. في  
اللحزة اللي انا كنت قاعد معه في الشرکة بتاعته وهو بیحکی لي فضل ربنا عليه. قد ایه وربنا وسعها قد ایه؟ فربنا قادر انه یوسعها  
عليک. اووعی تفتکر الا انک انت شاب صغیر - 00:09:46

اووعی تفتکر لان الشاب الجميل الخلوق المتدين اللي متقدم لبنتك الدنیا ضیقة عليه ربنا یوسع عليه بکرة. عشان ما تندمش بکرة.  
اووعی تفتکر يعني لا تدری لعل الله یحدث بعد ذلك امرا. ربنا قادر یوسعها على زوجتك. بدل ما تضايقها ممکن بکرة تتمنی -  
00:10:06

ان هي بس كانت تفضل جنبک. ربنا قادر انه یوسعها على الشاب اللي انت رفضته رغم تدینه واخلاقه وشخصیته. وكل المزافي يا  
جماعه ربنا یوسع ربنا مش ھیسیبها ضیقة ابدا. واحد من الشباب في القاهرة كان بيقول انا لما كنت في اول جوازی لما كان حد  
بیدینی هدية کرتونة بیض. انا كنت باروح - 00:10:26

زوجتي في بداية زواجي وانا طاير من الفرح. بالنسبة لي ان انا معي کرتونة بیض دي حاجة سروة. الشاب ده يا جماعة بيقول ربنا  
وسع على في رزقی رزقی وسع على فجأة لدرجة ان انا الوقتي بقیت بتصدق بالعربية. يعني بيقول عربیتی لما باجي اعلى المودیل  
فيه - 00:10:46

فیل جدید نزل اعلى المودیل. اقول طب وانا هابیعها ليه ؟ انا مش محتاج طب انا اصلا. فامه تصدق بها على حد من صاحبی ولا على  
شاب في بداية حیاته. واشتري انا - 00:11:06

عربیة جديدة احدس مودیل یاہ سبحان الله! ربنا یوسع اوی يا جماعة! والله الاسم ده بیملی قلوبنا فرح واستبیشار الكلام ده حقيقة.  
احنا بنتکلم مع حقائق يا اخوانا اوعوا تكونوا فاکرین الكلام ده کلام عزیم - 00:11:16  
الكلام ده حقيقي. الكلام ده هو اللي بیحرک الحياة حوالینا. اسألوا رجال الاعمال. انا ما فیش راجل اعمال اعرفه الا وما كانش آآ باشا  
ولا حاجة ده كان فقیر وغلبان لحد ما في يوم ربنا فتح له باب صفة قلبت له حیاته ونقلته نقلة تانية. اسم الله الواسع ده. كل راجل  
اعمال - 00:11:28

یفتش عنه في الماضي بتاعه. هیکتشف ان لولا اسم الله الواسع. ما كانش اصلا وصل لحاجة ولا راح ولا جه. اسم الله الواسع ده. انا  
عایز اقول لكم ان فيه شعوب - 00:11:48

محتاجة تفكك في الاسم ده بعد ما بقوا دول وبقى عندهم جيوش افتكر يا عم جدودك ما كانش حاجة اصلا ربنا وسعها عليكم قد ايه اسم الله الواسع ده. لو كل البشر فتشوا في الماضي بتاعهم هيعرفوا ان الاسم ده من غيره ما كانوش وصلوا لحاجة. اي واحد متجوز عنده اربع - 00:11:58

اعيال وبيقول لك مصاريف العيال كتير حبيب قلبي انت فاكر اما كنت متخرج من الكلية ما فيش في جيبك تمن الميكروباص اللي تروح تستلم به شهادة بتاعتك انت منين جبت شقة وجواز وعفش وذهب وشبكة ومصاريف فرح وخلف عيال - 00:12:18  
وصرفت على عيالك حبيب الله الواسع. البصمة بتاعة شواهد اسم الله الواسع في حياتنا كلنا. كلنا ربنا بيوضع علينا. عايزين كمان يا رب كمال يا رب. ما هو الواسع من الطمعش في انه يوضع علينا كمان وكمان ليه ؟ عشان كده في اسوأ لحزة - 00:12:38  
الانسان حاسس ان الدنيا ضاقت عليه فيها لحزة الطلاق لحزة خلاص واحد وواحدة بيتهار وكل واحد فيهم حاسس ان الدنيا سودا. وحاسس ان هو مش عارف هيعيش من غير الثاني ازاي. الواسع بيقول لهم وان يتفرقوا - 00:12:57  
يغني الله كلا من سعته. لو الدنيا ضاقت عليك انا اقدر اوسعها عليك. واقدر افرجها عليك. فالوحيد اللي ما لوش بديل في حياتك وحياتك هو ربنا سبحانه وتعالى. المعنى الثالث. المعنى الثالث والجميل اوي من آآ معاني اسم الله الواسع - 00:13:18  
الله الواسع اللي عطاوه يعم الجميع. ما تضيقش دماغك بقى. هنا بقى نتكلم تحسد ليه ؟ لما تشويف نعمة في ايد غيرك تبص له ليه يا ابني انت يا ابني يعني عارفين لما عشرة بيشحتوا فراحوا لواحد غني فواحد مد ايده للغني فادا له الف - 00:13:39  
دولار. فقام التسعة متشكلين مع الغني انت ليه في ايدك الف دولارا يا حبيب ما تروح للي ادى له. ما هو اللي ادى له يديك. ما هو نفس الغني ونفس الكريم ونفس الواسع - 00:13:59

انت وهو يعني انت اللي خذ زي بعض عنده. وهو ربنا هو ربكم. الاية دي باحبابها اوي اوي اوي يا جماعة. يعني تخيلوا يا جماعة لو واحدة جت في العيد كده ام وعملت خمسين كيلو كحك - 00:14:09  
ربنا اعانها وقدرت انها تعمل لولادها خمسين كيلو كحك. هل انت متخييل انك ممكن تدخل البيت بعد يومين تلاقي اتنين من ولادها بيتحانقوا ويتشاكلوا عشان كحكة سب لي الكحكة لا سبب لي انا الكحكة لأ طبعا. ليه ؟ لانه كتير ما حدش هيبيص اللي في ايدي الثاني اهو ده معنى من معاني اسم الله الواسع - 00:14:25

ان الخير عند ربنا كتير اوي فاحسد اخويا ليه ؟ احسد حد على النعمة اللي في ايديه ليه ؟ وربنا بيقول وهو ربنا وربكم. انت عارفين الاية دي معناها ايه يا جماعة ؟ يعني ايه وهو ربنا وربكم - 00:14:45  
اليهود لما النبي عليه الصلاة والسلام نزل عليه القرآن فاليهود حسد النبي عليه الصلاة والسلام. فقالوا لا لا ربنا مش ممكن يدي للعرب ابدا كتاب سماوي فربنا قال للنبي قل لهم هو ربنا بتاعكم انت بس ؟ يعني هو ربنا بتاع اليهود فنزل لهم توراة. انما ربنا مش بتاع العرب فمش هيديهم قرآن. وهو ربنا هو ربكم - 00:15:01

اللي ادакم يدينا ما يديناش ليه ! وهو ربنا ولنا اعمالنا ولكم اعمالكم زي ما انت عملتم اعمال صالحة. ربنا اصطفاكم بسبيها ! طب ما احنا بنصوم وننقوم وبنعمل اعمال ربنا يصطفينا بسبيها اية جميلة قوي يا جماعة القرآن جميل. بس احنا قاعدين آآ يعني زي اللي بيعد ورق بانكون كده قاعدين آآ نعد الحرف بعشر حسنا - 00:15:21

السلام عليكم. انما احنا لو فكرنا في كل كلمة في القرآن بتدينا معلومة عن ربنا ممكن تغير حياتنا. وهو ربنا وربكم. لما تشويف واحد غني ما تحسدواش. لان رب الاغنياء هو ربك. رب اغنى مية ميلاردير في العالم هو ربك رب بيل جيتس واستيفن كوفي وكل - 00:15:41

الميلارديرات اللي في العالم والمسك هو ربك. رب هو ربك آآ رب السعداء هو ربك. بيقى ما تبصش للسعداء اه شف بيضحك ازاي ! شف بالله رايق ازاي ! يا حبيب ما البال الرايق ده من خزائن ربنا ! والسعادة من خزائينه ! والضحك من خزائينه ! زي ما اداهم - 00:16:01  
الملك زي ما الملك اداهم الملك يقدر يديك. فربنا سبحانه وتعالى آآ الواسع رب الملوك هو ربك. رب الاغنياء هو ربك. آآ ادى المراكز لاصحاب المراكز لواجهات هو ربك اللي ادى الشهادات والبورد الامريكي والزمالة البريطانية والماستر والام دي هو ربك - 00:16:21

اداهم كل اللي نفسهم فيه يقدر يديك اللي انت نفسك فيه. ربنا يقدر ان هو يديك. فتغير من حد ليه وتحسد حد ليه ؟ اللي اداهم  
يديك آآ وده من اخطر اسار اسم الله الواسع في الحياة يا جماعة - 00:16:41

انه بيقضى على الحسد ما هو احسن ليه ؟ طب باطلب من اللي اداك ؟ بدل ما احسدك ما هو ربك. وممكن يديني زي ما  
اداك. سبحان الله العزيم وقفت في الشارع ابص على البيوت وابص عشواء بحب قوي يا جماعة اقف في الشارع - 00:16:57  
ايه وبيص على البيوت والشقق واقف من فوق كوبري كده وابص على العربيات اللي رايحة وجایة المنزد ده بيخطف قلبي دايما.  
باحس كتير قوي لربنا ورا المنزد ده. عايزين نقف ونفك. قعدت ابص على الشقق على العربيات اللي رايحة وجایة واقول سبحانك يا  
واسع. كل - 00:17:14

دول وسعهم رزق الله انا برك طيارة وانا مسافر ابص من شباك الطيارة كده وانا اللي طالع من البلد اللي انا طالع منها او انا نازل في  
البلد اللي انا نازل فيها. اشوف شوارع بقى من - 00:17:34

عيid عربيات شرايين عربيات رايحة جایة. اقعد ابص كده كل عربية من دول كل واحد فيها وراه قصص. كل واحد منهم وراه تدبير  
لرزق وراه تدبير لحياته كل دول وسعهم رزق الله. كل دول وسعهم تدبير الله. كل دول وسعهم علم الله - 00:17:44  
ورأفة الله ورحمة الله. كل دول ربنا بيترتب لهم. كل دول وسعهم عطاء الله. وكرم الله. اللي يعرف الله الوقت. يعني انا عايز اقول لك  
انت ما انت الا قصة من وسط المليارات دي ايه! انا عايز اقول لك ان انت يعني ان ربنا يوسعها عليك دي مش حاجة صعبة على  
ربنا يعني مش اضافة كبيرة يعني - 00:18:04

واحد من ملايين الاغنياء اللي ربنا وسع عليهم. واحد من ملايين المؤمنين اللي ربنا اداهم اليقين والولاية. واحد من ملايين الدعاة اللي  
ربنا استعملهم وشرفهم بالكلام عنه. واحد من ملايين العباد اللي بيقفوا بين ايدين ربنا يقوموا الليل. يبقى كل اللي نفسك فيه دين او  
دنيا ربنا يقدر يديه لك لانه انت كتير. لما - 00:18:24

قل يا رب المشارق والمغارب. الدعوة دي بتزلزل قلبي. عارفين ليه يا جماعة؟ لاني بافتركم فيه كم قصة فرج وشفاء وعافية ورزق  
واستعمال واصطفاء في المشارق والمغارب. يقينا في ملايين القصص يا رب. يا رب خليني قصة من القصص دي. اللهم اهدنا في -  
00:18:44

من هديت لسة النهاردة وانا يعني يعني باصلي في اول اليوم كده فالدعوة دي حسيت انها مرتبطة باسم الله الواسع اوبي وانا  
باقول ربنا اللهم اهدني فيمن هديت. يا رب ده انت هديت مليارات. انا يا رب قصة من قصص الهدایة. انت واسع يا رب. وعافنا فيمن  
عافيت - 00:19:04

فايت يا رب انت عافيت مليارات الناس. انا يا رب قصة جديدة وتولنا فيمن توليت. انت الموضوع بسيط اوبي عند الواسع آآ اللي  
يعرف الله الواسع ما بيأسشن ابدا. ما يجيلاوش احباط ابدا. لانه يعلم ان ربنا قادر انه يوسعها عليه. ويفرجها عليه في اي لحظة مهما  
كانت - 00:19:24

سيئة. فاووى تقلل دماغك مع ربنا. اووى تقول طب منين ؟ يا جدع عيب. يا جدع عيب انت تعلم ايه! اووى تقول طيب آآ مريم يا  
جماعه قالت لسيدنا زكريا لما قال لها انت جبتي الاكل ده منين ؟ الرزق ده منين ؟ رزق الشتا في الصيف والصيف في الشتا ده منين ؟  
قالت هو من عند الله - 00:19:45

عشان كده تضيق الدماغ مع ربنا هو اكبر سبب للانتحار واكبر سبب للاحباط. خلي اففك واسع مع الواسع. لانه يقدر يوسعها عليك  
مهما كانت ضيقه آآ يعني ان شاء الله بازن الله اكمل معكم المعنى الجميل اوبي ده والمعانى الجميلة اوبي بتاعة اسم الله الواسع. ولكن  
من اول الحلقة الجایة احنا في رحلة يا جماعة - 00:20:05

احنا في رحلة مع اسم الله الواسع. في رحلة سعة صدرنا وسعة افقنا في الحياة. اسم الله الواسع بيفتح اففك. بيخليك بدل مكان اخر  
احلامك شقة مية وخمسين متر لا لا ده انا كنت بطلب على باطلب على قدرى. انا هطلب على قدر سعة قدرة الله. والسعه -  
00:20:25

النبي سيدنا سليمان قال رب هب لي ملكا لا ينبغي لاحد من بعدي. اصل هو ما بيطبsh على قدره. هو بيطب على قدر الله الواسع. سبحانه وتعالى. اللهم برحمتك يا من وسعت رحمتك كل شيء. سمعنا برحمتك. اللهم وسع علينا ارزاقنا. يا رب وسعها من عندك يا رب -

00:20:45

يا رب افرجها من عندك. يا رب يا رب دبرها من عندك يا رب. اللهم اسعنا برحمتك اللهم ارزقنا الملك الواسع في الفردوس الاعلى. اللهم وسع علينا في ديننا ودنيانا يا ارحم الراحمين. اللهم اسعنا برحمتك يا حي يا قيوم. برحمتك -

نستغيث اصلاح لنا شأننا كله ولا تكنا الى انفسنا طرفة عين. سبحانك اللهم وبحمدك اشهد ان لا اله الا انت. استغفرك واتوب اليك. انه رب العباد. حبه هو باسمه الكافي تمسك انا رأيت -

00:21:04

00:21:24

انا رأيت الرزق لو تحس بالاختناق كل هم وسر حماتي رب العباد. حب هو خير زاد باسمه الكافي تمسك ان رأيت رب العباد -

00:21:52